

NALUNAARUTIT - Grønlandsk Lovsamling

Serie C-II

02 DEC. 2019

ISUMAQATIGIISSUT

Naalakkersuisut, Skatteministeriap aamma Sulinermik Inuussutissarsiuqartut Kattuffiata akornanni **Inuussutissalerinermi ilin-niagallit** pillugit isumaqatigiissut.

IMAASA NALUNAARSORSIMAFFIAT

	<u>Qupp.</u>
§ 1 Isumaqatigiissummi pineqartut.	3
§ 2 Suliffiup sivisussusia.	3
§ 3 Inuussutissalerinermi ikiortit akissarsiaat.	4
§ 4 Cafeteria- og kantineassistentit akissarsiaat.	4
§ 5 Ernæringsassistentit, igaffimmi ikiortit, nerisassiortut, umiarsuarmi igasut nunamiut saqisullu akissarsiaat.	5
§ 6 Igaffinni aqutsisut akissarsiaat.	5
§ 7 Igasut akissarsiaat.	6
§ 8 Soraarnerussutisiassanut akiliutissat taakkulu akilerneqartarneri.	6
§ 9 Ukiut suliffiit malillugit akissarsiat qaffakkiartortarneri.	7
§ 10 Piffissap ilaannaani atorfeqarneq.	8
§ 11 Kingoraartaneq.	8
§ 12 Atorfimmut immikkut ittumut tapit.	9
§ 13 Qaangiuttoornerit aamma qaangiuttoornernut taarsiullugu sulinngiffeqarnerit.	9
§ 14 Sukkortunut nerisassiornermut tapeq.	10
§ 15 Suliartoqqunekaratarsinnaanermut tapisiat.	10
§ 16 Persaqquersorneqarnermut akiliutit.	10
§ 17 Asiarnert aalajangersimasumillu sammisassaqluni angalaarnerit.	10
§ 18 Ataasiakkaanut tapinut immikkoortitat.	12
§ 18 A Pikkorissutsimut tapisiat.	13
§ 19 Nerisaqarneq ineqarnerlu.	14

§ 20 Sulinermut atatillugu angalanerni saniatigut aningsaasartuutaasartut, tassunga ilanngullugit ullormusiat, unnuinermusiat (akunnittarfimmiinnermut atugassat) atortussarsiutillu.	14
§ 21 Stationeqarfinni avinngarusimasuni sulisut.	14
§ 22 Aningsaasarsiat aningsaasarsiallu ilaasa allanngorartut il.il. tunniunneqartarnerat.	15
§ 23 Ineqarneq.	15
§ 24 Atorfininnermut atatillugu akiliunneqarluni angalaneq. ...	16
§ 25 Assuarlersinnaatitaaneq.	17
§ 26 Sulinngiffeqarneq sulinngiffeqarnerisiutillu.	18
§ 27 Napparsimaneq.	18
§ 28 Naartuneq, ernineq qitornavissiarthaarnerlu.	19
§ 29 Meeqqap napparsimanerani ullormi siullermi sulinngiffeqarsinnaatitaaneq.	20
§ 30 Meeqqap napparsimanerani sulinngiffeqarnerit allat.	20
§ 31 Sulinngiffeqarnerit immikkut ittut allat.	21
§ 32 Sulinngiffeqartarnerit.	22
§ 33 Qinikkatut pisortanillu toqqakkatut suliassaqartitaaneq. .	22
§ 34 Toqukkut qimagaanersitit.	23
§ 35 Soraarniuteqarneq/Soraarsitsineq.	23
§ 36 Isumaqatigiinngissutit kinaassusersiortumillu soraarsitsinerit.	24
§ 37 Inuussutissalerinnermi sulisut nal. Akunnermusiallit.	24
§ 38 Akissarsiat katiternerit.	26
§ 39 Ikaarsaarnermi malittarisassat.	26
§ 40 Piffissaq isumaqatigiissutip atuuffia.	26

§ 1

Isumaqatigiisummi pineqartut.

Isumaqatigiisummi uani pineqarput:

- inuussutissalerineri ikiortit ilinniagallit
- saqisut
- igaffimmi ikiortit ilinniagallit
- Receptions & turismeass., aamma Hotel/Turismeass
- nerisassiortut
- umiarsuarmi igasut
- igaffinni aqutsisut

Kalaallit Nunaanni Namminersorlutik Oqartussat, A/S Inissiaatileqatigiiffik INI-mi, Tele Greenland A/S-mi, kommuneni naalagaaffimmilu suliffillit isumaqatigiissutinullu allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommunenillu soraarninngorsimasut aammalu suliffeqarfinni immikkut pisussaaffilikani ittut isumaqatigiisummi uani ilaattinneqanngillat.

§ 2

Suliffiup sivilisussusia.

Nalinginnaasumik piffissaq suliffissaq sapaatit akunneranut nal. akunnerinik 40-nik sivilisussuseqarpoq, agguaqatigiissillugu qaammammut nal. akunnerinut 173 1/3-inut naapertuuttumik.

Imm. 2. Ullormut piffissap suliffiusussap iluani sulinngitsoornerit akissarsianit ilanngaatigineqartassapput sulinngitsoornermi akissarsiassaraluit amerlaqataannik. Nal. akunnera sulinngitsoorfik nalilerneqartassaaq atorfillip nal. akunnermusiarisartagaatut annerutigisumik, nal. akunneranut tapiujunnartut ilanngullugit. Nal. akunnerata affaa tikillugu sulinngitsoorneq nal. akunnerata affaatut naatsorsorneqartassaaq.

Imm. 3. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaatorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiususaaq eqqortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-ip nal. 08.00-llu akornanni piffissaq angalaffik piffissatut suliffittut naatsorsuunneqassanngilaq.

§ 3

Inuussutissalerinermi ikiortit akissarsiaat.

Inuussutissalerinermi ikiortit imaattunik qaammammusiaqartinneqasapput:

		ukiut	01.04.18	01.04.19	01.04.20	01.04.21
Skala	trin	suliff				
15	1	1.-2.	18.352,57	18.733,13	19.113,69	19.494,26
16	2	3.-4.	18.486,03	18.866,60	19.247,16	19.627,72
17	3	5.-6.	18.670,46	19.051,02	19.431,58	19.812,15
18	4	7.-8.	18.860,03	19.240,59	19.621,15	20.001,72
19	5	9. amerlanerillu	18.985,92	19.366,48	19.747,05	20.127,61

§ 4

Cafeteria- og kantineassistentit akissarsiaat.

Cafeteria- og kantineassistentit imaattunik qaammammusiaqartinneqasapput:

		Ukiut	01.04.18	01.04.19	01.04.20	01.04.21
Skala	trin	suliff				
21	1	1.-2.	19.345,36	19.725,92	20.106,48	20.487,05
22	2	3.-4.	19.545,02	19.925,58	20.306,15	20.686,71
23	3	5.-6.	19.750,61	20.131,17	20.511,73	20.892,30
24	4	7.-8.	19.962,01	20.342,58	20.723,14	21.103,70
25	5	9. amerlanerillu	20.185,27	20.565,83	20.946,39	21.326,96

Imm. 2. Hotel/Turisme - Receptions & turismeassistentit imaattunik qaammammusiaqartinneqassapput:

		Ukiut	01.04.18	01.04.19	01.04.20	01.04.21
Skala	trin	suliff				
24	1	1.-2.	20.415,02	20.795,58	21.176,15	21.556,71
25	2	3.-4.	20.645,16	21.025,73	21.406,29	21.786,85
26	3	5.-6.	20.893,65	21.274,21	21.654,78	22.035,34
27	4	7.-8.	21.148,93	21.529,50	21.910,06	22.290,62
28	5	9. amerlanerillu	21.411,40	21.791,96	22.172,53	22.553,09

§ 5

Ernæringsassistentit, igaffimmi ikiortit, nerisassiortut, umiarsuarmi igasut nunamiut saqisullu akissarsiaat.

Ernæringsassistentit, igaffimmi ikiortit, nerisassiortut, umiarsuarmi igasut nunami sulisut saqisullu imaattunik qaammammusiaqartinneqassapput:

		Ukiut	01.04.18	01.04.19	01.04.20	01.04.21
Skala	trin	suliff				
26	1	1.-2.	20.415,02	20.795,58	21.176,15	21.556,71
27	2	3.-4.	20.645,16	21.025,73	21.406,29	21.786,85
28	3	5.-6.	20.893,65	21.274,21	21.654,78	22.035,34
29	4	7.-8.	21.148,93	21.529,50	21.910,06	22.290,62
30	5	9. amerlanerillu	21.411,40	21.791,96	22.172,53	22.553,09

§ 6

Igaffinni aqutsisut akissarsiaat.

Igaffinni aqutsisut imaattunik qaammammusiaqartinneqassapput:

		Ukiut	01.04.18	01.04.19	01.04.20	01.04.21
Skala	trin	suliff				
29	1	1.-2.	21.148,93	21.529,50	21.910,06	22.290,62
30	2	3.-4.	21.411,40	21.791,96	22.172,53	22.553,09
31	3	5.-6.	21.680,76	22.061,32	22.441,88	22.822,45
32	4	7.-8.	21.957,69	22.338,25	22.718,81	23.099,38
33	5	9. amerlanerillu	22.242,28	22.622,85	23.003,41	23.383,97

Imm. 2. Igaffinni pisortanut §-it 13 aamma 16 naapertorlugit qaangiuttoornersitsisoqarsinnaananilu/qaangiuttoornermut aamma persaqquser-sorneqaatisianullu taarsiullugu sulinngiffeqartitsisoqarsinnaanngilaq. Igaffimmi pisortaq akulikitsunik qaangiuttoortarpat § 15 naapertorlugi suliartoqquneqaratarsinnaanermut tapisiaqartinneqarsinnaavoq.

§ 7

Igasut akissarsiaat.

Igasoq iggavinni, neriniartarfinni, akunnittarfinnilu ilinniarsimasoq imaattunik qaammammusiaqartinneqassapput:

Skala	trin	Ukiut suliff	01.04.14	01.04.15	01.04.16	01.04.17
35	1	1.-2.	21.708,67	21.906,27	22.194,43	22.454,60
36	2	3.-4.	22.017,34	22.214,94	22.503,10	22.763,27
37	3	5.-6.	22.334,55	22.532,15	22.820,31	23.080,48
38	4	7.-8.	22.660,31	22.857,90	23.146,06	23.406,23
39	5	9. amerlanerillu	22.995,18	23.192,78	23.480,94	23.741,11

§ 8

Soraarnerussutisiassanut akiliutissat taakkulu akilerneqartarneri.

Isumaqatigiissut malillugu sulisup 18-nik ukioqalereersimasumut soraarnerussutisiaqalernissaanut isumaqatigiissummi matumani akissarsiat paragrafini tungaviumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqqisuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tungavigalu soraarnerussutisiassanut akiliutit imm. 1-imi taaneqartut avataasigut sulinini pissutigalugu

sulisitsisuminit soraarnerussutisiaqartinneqarnaniluunniit ikiuutisiaqartinneqassanngilaq.

§ 9

Ukiut suliffiit malillugit akissarsiat qaffakkiartortarneri.

Sulisut ilinniarsimanitik tunngavigalugit nikeriarfinni §-ini 3-mit 5-imut taaneqartuni ukiut suliffitik naapertorlugit inissinneqassapput.

Imm. 2. Immikkorluinnaq pissutissaqartillugu ukiut suliffiit malillugit akissarsiat qaffakkiartortarneri allami suliap taamaaqataanik sulinermi katersukkat nuunneqarsinnaapput isumaqatigiissutillit isumaqatigiinniareernerisigut.

Imm. 3. Ukiut suliffiit malillugit akissarsiat qaffakkiartortarneri nalinginnaasumik naatsorsorneqartassapput qaammammut ilivitsumut akunnallillugit ullut 15-nit taakkuluunniit ataallugit sulisimanerit naatsorsuutigineqassanatik.

Imm. 4. Qaammammusiiallit Kalaallit Nunaanni pisortat suliffeqarfiutaanniit Namminersorlutik Oqartussat imaluunniit suliffeqarfiutaannit toqqaannartumik Kalaallit Nunaanni pisortat suliffeqarfiutaannut imaluunniit Namminersorlutik Oqartussat suliffeqarfiutaannut allamut nuuttut suliainnillu allanngortitsinatik ingerlatsiinnartut ukiut suliffiit malillugit akissarsiat qaffakkiartortarnissaattut katersoriikkatik attatiinnassavaat.

Imm. 5. Sap. akunnerannut agguaqatigiissillugu nal. akunneri 15-nit sinnerlugit suliffiuppata tamakkiisumik akissarsiat qaffakkiartortarnerinik pissarsisoqassaaq. Sap. akunneranut agguaqatigiissillugu nal. akunneri 15-nit ikinnerit suliffiuppata akissarsiat qaffakkiartortarnerannik piffimmut suliffiusumut naapertuuttunik pissarsisoqassaaq.

§ 10.

Piffissap ilaannaani atorfeqarneq.

Sulisut isumaqatigiissut una naapertorlugu piffissap ilaanna su-
lisussatut sulisussarsiarineqartut qaammammusiaqartinneqassapput
qanoq sivilisutigisumik sulisarnertik naapertorlugu.

Imm. 2. Suliffiup sivilisussusianik allangortitsineq, tassungalu ilaa-
lluni piffissap ilaanna sulisup sulileqqaarnerani isumaqatigiis-
sutigineqartumut naleqqiullugu sivitsuigallarneq, taamaallaat ullunik
3-nik sioqqutsisumik ilisimatitsinikkut pisinnaavoq. Taamatut ilisi-
matitsisoqanngippat nal. akunnerisa suliffiorpiartut saniatigut nal.
akunneranik 1-imik pissarsisitsisoqassaaq. Piffissamik suliffissamik
allangortitsisoqassatillugu inuit ataasiakkaat piffissap al-
langortinneqartup nalaani sulinnginnissaminnik kissaataat mianerini-
arneqartassapput.

§ 11

Kingoraartaneq.

Atorfilik qinnuigineqarnermigut atorfimmi qaffasinnerusumi, uta-
qqiisaagallartumik sulisoq, atorfiup qaffasinnerusup taassuma sulias-
sartai suliarigunigit aalajangersakkat kinguliini taaneqartut malil-
lugit akissarsiaqarsinnaatitaavoq.

Imm. 2. Atorfimmi qaffasinnerusumi suligallarnermi akissarsiaqar-
tussaaneq atuutilertassaaq sulisup atorfik taamaattoq ulluni malit-
tuinnarni 15-ini tigummereerpagu.

Imm. 3. Tamatumani akissarsiassat tassaassapput sulisup nammineq
atorfimmini akissarsiai, pikkorissutsimut tapisiaqarpat taakku ilann-
gullugit, aammalu atorfimmuq qaffasinnerusumut tassunga qaffariartin-
neqarsimasuuguni akissarsiariligassaraluisa assigiinngissutaat.

§ 12

Atorfimmut imiikut ittumut tapit..

Isumaqatigiissut una naapertorlugu sulisunut atorfinni imarisamikkut naatsorsuutigineqarsinnaasumit annertuumik allaassuteqartuni atorfinitsinneqartunut tapisiaqartitsisoqarsinnaavoq annertussusaa isumaqatigiissutillit akornanni isumaqatigiinniutigineqartussamik.

Imm. 2. Igaffimmi ikiortip, nerisassiortup imaluunniit umiarsuarmi igasup igaffimmi pisortatut atorfinitsinneqarnerani pineqartoq § 5 malillugu illuatungeriit isumaqatigiissuteqarnerisigut akissarsiaqartitaalersinnaavoq aammalu igaffimmi pisortaq akulikitsunik qaangiuttoortarpat § 13 naapertorlugu suliartoqquneqaratarsinnaanermut tapisiaqatinneqalersinnaavoq.

§ 13

Qaangiuttoornerit aamma qaangiuttoornernut taarsiullugu sulinngiffeqarnerit.

Qaangiuttoorneq sapinngisamik pinngitsoorniarneqartassaaq. § 2 imm. 1-imi najoqqutarineqartussaq pineqartoq sinnerlugu nalinginnaasumik suliffiup avataatigut peqquneqarluni nakkutigineqartumillu sulinerit sulinngiffeqaataasassapput nal.akunnerinut qaangiuttoorfinnut naapertuuttunik taperneqartassallutillu nal.akunneranut akissarsiap piffissamut atukkamut 50%-imik taperneqarneratigut. Sulinngiffeqarfissat nal.akunnerata affaata aallartinneri tamaasa katersorneqartassapput. Sulinngiffeqarnissap qaqugu pinissaa suliffik mianeralugu aammalu sulisup kissaateqarnera naapertorlugu iluarsartuunneqassapput.

Imm. 2. Imm. 1 naapertorlugu sulinngiffeqartitsisoqanngippat qaangiuttoornerit matussuserneqassapput nal.akunnermusiaq §-ini 3 4-imilu aningaasarsiassat 1/2080-itut naatsorsorneqartussaq tunngavigalugu. Nal. akunnermusiassaq naatsorsorneqartoq naapertorlugu 50%-imik taperneqassaaq. Qaangiuttoorneriassat nal. akunnerata affaata aallartinneri tamaasa katersorneqassapput.

§ 14

Sukkortunut nerisassiornermut tapeq.

Sulisunut sukkortunut allatullu sapigalinnut nerisassiornissamut pikkorissarsimasunut suliffeqarfinnilu (Institution) tamakkuninga nerisassiortartunut qaammammut tapisiaqartitsisoqassaaq 500 kr.-inik.

§ 15

Suliartoqquneqaratarsinnaanermut tapisiat.

Atorfinni sulisup qaangiuttoorneri nakkutigineqarsinnaangitsunut imaluunniit nakkutigissallugit ajornakusoortunut qaangiuttoornerinut §-ini 11-mi 13-milu pissarsiarineqarsinnaasunut taarsiullugu suliartoqquneqaratarsinnaanermut tapisiaqartitsisoqassaaq, taakku angissusissaat isumaqatigiinniartutik illuatungeriit akornanni isumaqatigiinniarnikkut aalajangerneqassapput. Atorfimmi suliassat allanngortinneqartillugit sukkulluunniit suliartoqquneqaratarsinnaanermut tapisiat isumaqatigiissutiginiarneqassapput.

§ 16

Persaqqusersorneqarnermut akiliutit.

Avitamik sulinermit, piffissami nal. 17.00-imiit nal. 06.00-imut unnuarsiornermut, arfininngornikkut nal. 14.00-p kingornatigut sulinermit aamma sapaatini nalliuttunilu Namminersorlutik Oqartussani kommunenilu tjestemandinut maleruagassat atuuttut, taakkulu immikkut takussutissiami takuneqarsinnaapput. Qaangiuttoornerli pineqarpat taamaallaat § 11 naapertorlugu qaangiuttoornerisitsisoqarsinnaavoq.

§ 17

**Asiarnerit aalajangersimasumillu
sammisassaqarluni angalaarnerit.**

Suliffeqarfinni (Institution) Sulisut asiarnernut, tupersimaarnernut assigisaannullu aamma aalajangersimasumik sammisassaqarluni angalaarnernut ilaasinnaapput. Asiarnerit, tupersimaarnerit assigisaallu suliffeqarfik ikinnerpaamik ullut unnuallu 2-t qimallugu allaarsi- maarnertut paasineqassapput, suliffeqarfik qimallugu aallarnermiit

aallaarsimaaqataasut suliffeqarfimmut tikeqqinnerannut piffissaq naatsorsorneqartassalluni.

Imm. 2. Aalajangersimasumik sammisaqarluni angalanerit imatut paasi-neqassapput immikkut perorsaanermik siunertaqarluni suliffeqarfiup qimakkallarneqarneranik, assersuutigalugu aalisariarluni piniariarlunilu, qimusserluni il.il. sivikinnerpaamik ulluni unnuanilu 2-ni angalanerusut, suliffeqarfiup qimanneqarneraniit aalajangersimasumik sammisaqarlutik angalanermut peqataasut suliffeqarfimmut tikeqqinnerannut naatsorsuunneqartussat.

Imm. 3. Immikkoortuni 4-miit 10-mut maleruagassat taaneqartut suliamik ilinniagaqanngitsunut aallaarsimaarnernut, tupersimaarnernut assigisaannullu aamma aalajangersimasumik sammisaqarluni angalanernut peqataasunut atuupput.

Imm. 4. Maleruagassani pineqarput suliamik ilinniagaqanngitsut tarmarmik suliffeqarfimmi sulisooreersut aamma suliamik ilinniagaqanngitsut aallaarsimaarnermut imaluunniit aalajangersimasumik sammisaqarluni angalaarnermut peqataanissaat immikkut siunertaralugu sulisitaasut.

Imm. 5. Nalinginnaasumik suliffissap iluani piffissap suliffiup naatsorsuusiorneqarnerani ullut aallaarsimaarfiit/aalajangersimasumik sammisaqarfiit ullormut nal. akunnerinik 11-nik naatsorsorneqartassapput.

Imm. 6. Ullut sulinngiffeqarfissat suliffigineqartulli taartisissutigitinneqartassapput, sapinngisamik taarsiullugu sulinngiffeqartitsinertut. Sap. akunneranut aamma nalliuttunut ulloq sulinngiffeqarfissaq suliffigisariaqagaq ataaseq kisiat taartisissutigitinneqartassaaq. Ullut sulinngiffeqarfissat suliffigisariaqakkat aningaasarsif-fiuppata taakku ullormut sulinngiffeqarfimmut nal. akunnerini 40-ni

nal. akunnerinik 8-nik akilerneqassapput aamma ullormut sulinngif-
feqarfiusumut nal.akunnerini 64-ini nal. akunnerinik 16-inik akiler-
neqassallutik.

Imm. 7. Piffissaq suliffiususaaq pillugu maleruagassat allat soorlu
qaangiuttoornermut, suliartoqqunekaratarsinnaanermut, arfininngornik-
kut nal. 14.00 kingornatigut sulinermut, sapaatini nalliuttunilu su-
linermut aamma suliamut atatillugu angalanerit nalaanni piffissap
suliffiup naatsorsorneri atorunnaarsinneqarput.

Imm. 8. Aallaarsimaarnernut, tupersimaarnernut assigisaannullu
peqataanermut akiliutit 1. april 1991-imiit ulluinnarni 186,00 kr.-
inik toqqammaveqarput, arfininngornerni aammalu sapaatini nalliut-
tunilu 271,00 kr.-inik toqqammaveqarlutik. Tapit tunniunneqartut im-
mikkut tapit, Kalaallit Nunaanni Nalakkersuisut Atorfillit Kattuf-
fiatalu akornanni isumaqatigiissut naapertorlugit iluarsartuussivi-
geqqitaapput.

Imm. 9. Aalajangersimasumik sammisaqarluni angalaarnernut peqataaner-
mut akiliutit 1. april 1991-imiit ulluinnarni 400,00 kr.-inik toqqam-
maveqarput, arfininngornerni aamma sapaatini nalliuttunilu 600,00
kr.-inik toqqammaveqarlutik. Tapit tunniunneqartut immikkut tapit,
Kalaallit Nunaanni Nalakkersuisut Atorfillit Kattuffiatalu akornanni
isumaqatigiissut naapertorlugit iluarsartuussivigeqqitaapput.

Imm. 10. Aallarsimaarnerni aalajangersimasumillu sammisaqarluni an-
galanerni ullormusiaqartitsisoqartassaaq § 18 naapertorlugu.

§ 18

Ataasiakkaanut tapinut immikkoortitat.

Sulisut 1. april 2014-mi ataasiakkaanut tapisiallit nammineq tapisia-
tut suliunnaarnissap tungaanut tapisiarinnassavaat.

§ 18 A

Pikkorissutsimut tapisiat.

Isumaqatigiissut manna tunngavigalugu atorfinitsinneqarsimasunut pikkorissutsimut tapisiaqartitsisoqarsinnaavoq qaammammut kr. 500,00-nik. Pikkorissutsimut tapisiat inummut ataatsimut arlalinngorlugit tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit allatigut immikkut inississimasunut tunniunneqartassapput, taamatut inissisimaneq isumaqatigiissummi matumani nalinginnaasumik tunngavimusuni akissarsiatigut taaneqartunut il.il. ilaatinneqanngippat.

Imm. 3. Kommunit ataasiakkaat, Namminersornerullutik Oqartussat suliffeqarfiisa immikkoortui ataasiakkaat, matumani suliffiit taak-kununnga atasut ilanngullugit, kiisalu Namminersornerullutik Oqartus-sat aktiaateqarluni ingerlatseqatigiiffiutai tapisiassanik aalajang-ersimasunik amerlassusilinnik agguassassaminnik tunineqartassapput. Immikkoortortaqarfinnut ataasiakkaanut tapisiassat amerlassusissaat Sulisoqarnermut Pisortaqarfiup nalunaarutigisassavai.

Imm. 4. Najukkami sulisitsisup najukkamilu tassani sulisut sinniisaa-ta imaluunniit S.I.K-p akornanni isumaqatigiinniareernikkut tapisias-sat taakku kommunit suliffeqarfiillu ataasiakkaat iluanni agguataar-neqartassapput.

Imm. 5. Tapisiat atorfimmut allamut nuunnermi peerneqartassapput.

Imm. 6. Pikkorissutsimut tapisiat inuttaaruttut isumaqatigiinni-utigeqqinneqareernernekkut atorneqaqqissinnaalertassapput, tak. imm. 4.

Imm. 7. Pikkorissutsimut tapisiat agguataarneqarnissaat isu-maqatigiissutigineqarsinnaanngippat apeqqut isumaqatigiissuteqartutut illuatungeriinnit aalajangiiffigineqartassaaq.

§ 19

Nerisaqarneq ineqarnerlu.

Sulisut ineqartinneqartut suliffimmilu nerisaqartitsinermut peqataasut niviarsiat nerisaqartitaanerannut aalajangersakkat sukkulluunniit atuuttut naapertorlugit tamatumunnga akiliisassapput. Ineqarnermut, tassa suliffeqarfimmi inimi ataatsimi najugaqarnermut qaammammut 500,00 kr.-nit akiliutigineqartassapput.

§ 20

**Sulinermut atatillugu angalanerni saniatigut
aningaasartuutaasartut, tassunga ilanngullugit
ullormusiat, unnuinermusiat (akunnittarfimmiinnermut
atugassat) atortussarsiutillu.**

Sulisartut angerlarsimaffittut najukkamik avataannut suliaritorialartitaasut aningaasanik pissarsiassaqartinneqassapput malittarisassat tjestemandinut Namminersorlutik Oqartussani kommunenilu sulisunut atuuttut/isumaqatiisut naapertorlugu, taakkulu immikkut takussutissiami takuneqarsinnaapput.

§ 21

Stationeqarfinni avinngarusimasuni sulisut.

Ikerasassuarmi Danmarkshavnimilu stationeqarfinni sulinermut tapisiat pillugit kaajallaasitaq naapertorlugu tapisiaqarfissatut aalajangersaavigisani sulisut Kalaallit Nunaanni stationeqarfinni avinngarusimasuni suliamik immikkut ilinniagallit pillugit ileqqoreqqusami aalajangersakkanit ukunannga pineqarput:

- a) tamanna pillugu kaajallaasitaq naapertorlugu stationimiinnermi tapisiaq
- b) atorfininnermi soraarnermilu akiliunneqarluni angalanerit
- c) sulingiffeqarnermut atatillugu akiliunneqarluni angalaneq
- d) nerisaqarneq ineqarnerlu
- e) nakorsamit kigutilerisumillu isumagineqarneq
- f) immikkut pisussaaffiit (peqqissutsimik misissortinneq, pikkorissarnerit)

§ 22

**Aningaasarsiat aningaasarsiallu ilaasa allanngorartut il.il.
tunniunneqartarnerat.**

Aningaasarsiat tapisiallu qaammammut kingumoortumik akissarssissuti-
gineqartassapput.

Imm. 2. Aningaasarsiat aningaasarsianut kontomut sulisup aningaaseri-
vimmi toqqagaanut qaammatip naanerani ikineqartassapput.

Imm. 3. Tapisiat allanngorartut, soorlu unnuarsiornermut tapisiat,
qaangiuttoornerasiat il.il. anertussutsit aningaasanik a-
kiliuteqarnerup nalaani atuuttut malillugit naatsorsorneqassapput.
Naatsorsuusiortoqartassaaq qaammatip ingerlanerani piffissaq qaamma-
tip 21-at nikittarfigalugu, tassalu qaammatisiutit malillugit qaamma-
tip tulliuttup naanerani akissarsisoqartassalluni.

§ 23

Ineqarneq.

Atorfinnik inuttassarsiuussinerni ineqarneq pillugu makku nalu-
naarutigineqartassapput:

- a) Inissaqartitsisoqartoq malittarisassat qaqugukkulluunniit
atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmu atattillugu pisussaaffeqartoq suliffimmu ata-
tillugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartoq najuga-
riumangippagu, inissiamik allamik innersuussisoqarsinnaangilaq.

Imm. 3. Imm. 1, a) naapertorlugu inissianut innersuunneqartunut in-
eqarnermut akiliuteqartoqartassaaq Kalaallit Nunaanni Nammi-
nersornerullutik Oqartussat kommunellu inissiaataanni ineqarnermut
akiliuteqartarnermut malittarisassat qaqugumulluunniit atuuttut naap-
ertorlugit. Inissiamik innersuunneqartumik sumiginnaasoqarpat anisi-

taanermik kinguneqartumik, inissiamik allamik innersuussisoqar-
sinnaangilaq.

Imm. 4. Atorfillit imm. 1, c) naapertorlugu atorfimmu atattillugu
inigiassaataasumik ineqarnermut akiliuteqartassapput maleruagassat
tjenestemandinut Namminersornerullutik Oqartussani kommunenilu sulis-
unut qaqugukkulluunniit atuuttut/isumaqatiisut naapertorlugu, taakku-
lu immikkut takussutissiami takuneqarsinnaapput.

§ 24

Atorfininnermut atattillugu akiliunneqarluni angalaneq.

Atorfininnermi Danmarkimi Kalaallit Nunaanniluunniit angerlarsimaf-
figisap suliffeqarfigissallu akornanni akiliunneqarluni anga-
latitsisoqassaaq inuttassarsiuussilluni allagarsiussaq naapertorlugu
inissaqartitsisoqarpat imaluunniit atorfimmu atattillugu inigisas-
saataasumik najugaqarnissaq pisussaaffiuppat tak. § 23, imm. 1, a)
aamma c).

Imm. 2. Akiliunneqarluni atorfininnermi angalanermut aamma ilaatinne-
qarput atorfillip aappaa - katissimanngikkaluarlugu inooqatigisaa
kiisalu meeqqat 18 inorlugit ukiullit. Taama ilaqutariit akiliunne-
qarlutik angalanerat sapinngisamik ataatsimoorluni ingerlanniarneqar-
tassaaq.

Imm. 3. Taama akiliunneqarluni atorfininnermi angalaneq inummut nam-
minermuinnaq tunngatitaavoq allanullu tunniunneqarsinnaanani. A-
kiliunneqarluni angalasinnaatitaaneq atorneqanngitsoq taartisissuti-
gineqarsinnaangilaq.

Imm. 4. Atorfininnermi akiliunneqarluni angalasinnaatitaanermi
aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni angallassissutit atorlugit akikinnerpaamik angallanneqarnermut aningaasartuutit uppersarsarneqarsinnaasut. Sutigut allatigut tamatigut matussuserneqartassapput Kastrup-ip mittarfiata allallu akornanni tamanut angallassissutit atorlugit angallanneqarnermut akikinnerpaamut aningaasartuutit.

Imm. 6. Københavniinnermi aningaasartuutaajunnartut atorfillip nammineq akilissavai.

Imm. 7. Nunatsinni namminermi atorfininnermut atatillugu akiliunneqarluni angalanermi taamaallaat matussuserneqartassapput najugaqarfiup atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutit uppersarsarneqarsinnaasut.

Imm. 8. Atorfininnermi pigisat assartorneqassapput malittarisassat tjenestemandinut Namminersorlutik Oqartussani kommunenilu atorfilinut qaqugukkulluunniit atuuttut/isumaqatiisut naapertorlugu, taakkulu immikkut takussutissiami takuneqarsinnaapput.

§ 25

Assuarlersinnaatitaaneq.

Isumaqatigiissut una malillugu sulisut §-ini 10-imi, 13-imi 16 A-imi tapisiat taaneqartut saniatigut allanik tapisiaqarsinnaanersut nalornissutigineqalerpat tamannalu pillugu sulisut sinniisaat aqquagalugu saaffiginninneq naammaginartumik aqqinneqanngippat suliassaq aqqiagiinngissutit tunngaviusumik isumaqatigiissut naapertorlugu suliarineqarsinnaavoq.

§ 26

Sulinngiffeqarnek sulinnigiffeqarnerisutillu.

Sulisut feriernersiuteqarnek feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinnigiffeqarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinnigiffeqarnerisuteqarluni sulinnigiffeqarnek akissarsiaqarluni sulinnigiffeqarnermut taarsiullugu toqqarpasuk ullut sulinnigiffeqarfii amerlassusii naapertorlugit aningaasarsiat ilanngaaffigineqassapput. Sulinnigiffeqarnerisutit ukiumut aningaasarsiarisimasanut naatsorsorneqassapput.

Imm. 3. Soraarnermi aningaasarsiat 12½ %-ii sulinnigiffeqarnerisutissatut tunniunneqassapput.

Imm. 4. Sulinnigiffeqarnermi aningaasanik pisassanik piunasaqarnek sulisitsisumut saqqummiunneqassaaq ukiup sulinnigiffeqarfissaasimasup qaangiutereernerani kingusinnerpaamilli qaammatit pingasut qaa. Taamaangippat aningaasat Sulinnigiffeqarnermut Aningaasaateqarfimmut nakkassapput, tak. Sulinnigiffeqarnermut Aningaasaateqarfik pillugu isumaqatigiissummut tapiliusaaq.

§ 27

Napparsimaneq.

Sulisoq napparsimanini pissutigalugu sulisinnaangippat, taassuma kinguneranik sulinnigineq inatsisinik unioqqutitsinani sulinniginnertut isigineqassaaq, sulisoq sulinermini piaaraluni mianersuaalliurujussuarluniluunniit napparsimalersimangippat imaluunniit atorfininnermi salloqittaalluni napparsimanini nipangiusimasimappagu.

Imm. 2. Sulisoq qaammatini tulleriiginnarni aqqaneq marlunni kattillugit ullut 120-ini napparsimanermini akissarsiaqarsimappat, qaamatip naaneranut imatut siumut ilisimatitsererluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareermermi: qaamat ataaseq
- ukiuni 6 - 8 atorfeqareermermi: qaamatit pingasut
- ukiuni 9 - sivisunerusumillu atorfeqareermermi: qaamatit sisamat.

Soraarsitsinerup atuutitinneqarnissaanut piumasaqaataavoq ullut napparsimaffiit 120-it taakku naanerannut atatillugu soraarsitsisoqasssoq aammalu inuk pineqartoq sulii napparsimatilluugu, kisiannili atuutitinneqarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 3. Kisiannili imm. 2-mi aalajangersagaq malillugu atorfeqarnermit soraarsitsisoqarsimappat, atorfinitsitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 4. Napparsimaneq nakorsap uppersarsaaneratigut uppersarsarneqarnissaa piumasarineqarsinnaavoq.

Imm. 5. Nakorsat uppersarsaataat imm. 4 malillugu piumasarineqartut sulisitsisumit akilerneqassapput.

§ 28

Naartuneq, ernineq qitornavissiarthaarnerlu.

Sulisut sulinngiffeqarsinnaatitaapput, naartunermermi, ernereernerup kingorna qitornavissiarthaarnermilu Inatsisartut inatsisaat qaqugumulluunnit atuuttoq naapertorlugi. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani pigiinnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinneqartussat imm. anaanaasup kisimi.
	Ataataq: sap.ak. 1-p kingorna	

§ 29

**Meeqqap napparsimanerani ullormi siullermi
sulinngiffeqarsinnaatitaaneq.**

Atorfilik tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a) Ulloq tassaappat meeqqap napparsimaffia siulleg,
- b) meeqqap atugarisai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornanngippat,
- d) meeraq angerlarsimappat.

Imm. 3. Ullut napparsimaffiit nalunaarsorsimaffiat taperneqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqqissuussineq atornerluinermi sulisunut ataasiakkaanut atortussaajunnaarsinneqarsinnaavoq.

§ 30

Meeqqap napparsimanerani sulinngiffeqarnerit allat.

Meeqqap 16-nit tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnis-saqarfiup akiligaanik illoqarfinnut allanut ingialluinerani, meeqqal-

lu uninnganerata nalaani ullut 12-ut tikillugit akissarsiani naling-
innaasut pigiinnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataan-
issaa ingiallortaanissaalu nakorsamit uppersarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqar-
sinnaavoq meeqqap angerlasimaffimini innangatinneqarnissaa nakorsa-
mit innersuunneqarpat/uppersarsarneqarpat.

Imm. 4. Immikkut illuinnartumik pissutissaqartillugu nakorsamillu up-
persarsarneqarpat sulinngiffeqarneq sivitsorneqarsinnaavoq ullut 5
tikillugit.

§ 31

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit
ilisaanerini atorfilik ukioq ataaseq atorfeqarsimaguni akiliunne-
qarluni angalasinnaatitaavoq sulinngiffeqarsinnaatitaallunilu ilaqut-
tat qanigisat napparsimaruloortillugit aamma/imaluunniit ilisaaneri-
nut atatillugit akiliunneqarluni angalasarnerit su-
linngiffeqartarnerillu pillugit malittarisassat qaqugumullunniit Ka-
laallit Nunaanni tjenestemandinut atuuttut naapertorlugit, taakkulu
immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik
qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat
taamaattutullu naatsorsuussat, qitornat qatanngutillu, kisianni aap-
pap ilaqutai taamaattutullu naatsorsuussat pinnagit.

§ 32

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinn-giffeqarsinnaatitaavoq, ullutut nalliuttutut uku naatsorsuunneqassap-put:

- a) ilagiit Lutherikkut nalliuttui,
- b) juulliaraq,
- c) ukiutoqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni

§ 33

Qinikkatut pisortanillu toqqakkatut suliassaqartitaaneq.

Isumaqatigiissut una naapertorlugu atorfillit qinikkatut pisortanillu suliassaqartitaanerit pillugit Namminersornerullutik Oqartussat qin-ikkatut pisortanillu toqqakkatut suliagarneq pillugu nalunaarutaat nr. 5, 15. marts 1994-meersoq naapertorlugu sulinissaminnut sulin-giffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqatigiissutit malillugit qaangiut-toorneriaqarfissaq sioqqullugu pisoq sumiginnaanertut isigineqassan-gilaq. Suliffimmiit qimagusimanissaq sapinngisamik sioqqutsilluar-luni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoor-torta qarfiini siulersuisunut, SIK-p inuusuttaani siulersuisunut aammaalu SIK-p siulersuisuunerinut ilaasortat, pisortat oqar-tussaasoqarfiinit piumaffigineqarneq tunngavigalugu ilaasortaaffigi-neqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuinut ilaasortat, ataatsimeersuarnerni, nakkutilliisoqarfegarnerani

peqataanermut atatillugu SIK-p siulersuisuunerinut aamma SIK-p Inuusuttaaisa siulersuisuinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortortaqaarfiini siulersuisut, SIK-p siulersuisuunerini aamma SIK-p Inuusuttaaisa siulersuisuinut ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 34

Toqukkut qimagaanersiutit.

Sulisog atorfeqarnermi nalaani toqusimappat aappaanut imaluunniit qitornaanut 18 inorlugit ukiulinnut qimagaasunut toqusup pilersugarisimasaanut qimagaanersiutit ataani allassimasut naapertorlugit tunniunneqassapput:

Atorfeqar-

figisami	ukioq 1	sulisimaguni.....:	Qaam. 1	sarsiat
-	ukiut 2:	Qaam. 2	akissarsiat
-	ukiut 3	amerlanernilu.....:	Qaam. 3	akissarsiat

§ 35

Soraarniuteqarneq/Soraarsitsineq.

Atorfeqarnermi qaammatini pingasuni siullerni siumut nalunaaruteqarluni soraarsitsinermi uku atuupput: Sulisitsisoq sulisorlu ullunik arfineq pingasunik (ullunik suliffinnik tallimanik) siumut nalunaaruteqarlutik ullormut sumulluunniit soraarsitsinnaavoq soraarsinnaallunilu.

Imm. 2. Qaammatini pingasuni atorfeqareermermi sulisitsisup tungaanii imatut siumut ilisimatitsererluni soraarsitsisoqarsinnaavoq:

- Atorfininnerup kingorna qaammatini arfinilinni siullerni qaammamik ataatsimik ilisimatitsererluni qaammatip naaneranut
- Atorfininnerup kingorna qaammatti arfinillit kingorna qaammatinik pingasunik ilisimatitsererluni qaammatip naaneranut

- Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Qaammatini pingasuni atorfeqareernermi sulisoq siumut ilasimatitsererluni soraarsinnaavoq:

- qaammat ataaseq qaammatip naaneranut.

Imm. 4. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 36

Isumaqatigiinngissutit kinaassusersiortumillu soraarsitsinerit.

Isumaqatigiinngissutit suliarineqartassapput aaqqiagiinngissutit suliarineqartarnissaannik tungaviusumik isumaqatigiisummi aalajangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorneqaraangat tamanna kinaassusersiornermik tungaveqartassanngilaq. Tamanna pillugu apeqqutit aaqqiagiinngissutit suliarineqartarnissaannik tungaviusumik isumaqatigiisummi aalajangersakkat naapertorlugit suliarineqartassapput.

§ 37

Inuussutissalerineri sulisut nal. Akunermusiallit.

Sulisut ilinniartitaanernik § 1-imi taaneqartunik ilinniagallit atorfeqalivinnissaq siunertarinagu, kisiannili sulinngiffeqarnermi, napparsimasoqarnerani assigisaannilu taartissatut imaluunniit qaammatit pingasut inorlugit sivilissusilimmik allamik suliaqarallartussamut atorfinitsitat nal.akunermusialerlugit atorfinitsinneqartassapput. Qaammatit pingasut sinnerlugit sulereernermi pineqartoq qaammamusiaqalersinneqassaaq, taamaattorli sulisartup kissaatigiguniuk

nalunaaquttap akunnermusiaqaannarsinnaavoq. Nal. akunnermusiaq naatsorsorneqartassaaq §-it 3, 4 aamma 5 naapertorlugit pineqartup qanoq sivisutigisumik sulinera tunngavigalugu ukiumut akissarsiaasa 1/2080-iannik angissusilerlugu.

Imm. 2. Sulisut nal. akunnermusiallit atorfeqarnerat siumut ilimasaa-ruteqaqqaarani atorunnaarsinneqarsinnaavoq. Napparsimaneq erninerlu pissutigalugit sulisut sulinngitsoortut akissarsiaqartinneqassanngilat.

Imm. 3. Sulisut nal. akunnermusiallit pisinnaatitaapput pisussaaf-feqarlutillu ullut arfinillit sulereernerit tamaasa ullormik sulinn-giffeqarnissamut; taamaattorli ullut sulinngiffissat ataasiakkaatigut piffissamut allamut nuunneqarsinnaapput sulianut tunngasut tamanna pisariaqartikkaangassuk.

Imm. 4. Sulisut nal. akunnermusiallit akissarsiffissaat ullunut 14-inut naatsorsorneqartassaaq, ataasinngornermiit sapaatit akunnerisa marluk naaneranni sapaat ilanngullugu.

Imm. 5. Sulisut nal. akunnermusiallit feriernersiutissaattut akissarsiaasa 12½ %-ii katersorneqartarput.

Imm. 6. Sulisut nal. akunnermusiallit akissarsiassaat qanoq sivisutigisumik sulinerat aallaavigalugu naatsorsorneqartassaaq § 7-imi, imm.-ni 1-imiit 4-mut maleruagassat naapertorlugit. Nal. akunnermusiaqarluni sulinerup nalaani qanoq sivisutigisumik sulineq aallaavigalugu akissarsiaqartitsineq allamik ilaneqarsinnaanngilaq.

Imm. 7. Isumaqatigiissummi matumani §-ini 10, 25, 26, 29, 33 aamma 34-imi aalajangersakkat sulisunut nal. akunnermusialinnut atuutinnngillat.

§ 38

Akissarsiat katiternerri.

Akissarsiat §§ 3, 4 & 5-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliusseq 1. april 2000 16,4789%-imik. Skala-mi akissarsiat iluarsissutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18
kr
380,56

01.04.19
kr
380,56

01.04.20
kr
380,56

01.04.21
kr
380,56

§ 39

Ikaarsaarnermi malittarisassat.

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 24, imm. 1, "sulinnigiffeqarnerit immikkut ittut allat"-mi malittarisassaq atuutiinnassaaq.

§ 40

Piffissaq isumaqatigiissutip atuuffia.

Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaarute-


qarnikkut 31. marts-imut taamaattorli siusinnerpaamik marts-ip 31.-
ani 2022 -imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isu-
maqatigiissuteqarfissap tungaanut akissarsiat marts-ip 31.-ani 2022
atuuttut malillugit akissarsiaqartitsisoqassaaq.

Nuummi, ulloq **02 DEC. 2019**

Sulinermik Inuussutissarsiuteqartut

Kattuffiat



Jess G. Berthelsen

Naalakkersuisut

n.s.




André Steenholdt-Guttesen

Skatteministeriet

P.M.V.

e.b.



Pernille Thorsteen Madsen

Taamalu isumaqatigiissut 14. november 2014-meersoq atorunnaarpoq.